



Inatsisartunut ilaasortaq Pele Broberg, Partii Naleraq
Inatsisartut Allattoqarfiat
/-Maani

09-11-2018
Sags nr. 2018 - 3545
Dok. nr. 9270224

**Kalaallit Airports A/S pillugu § 37 naapertorlugu apeqqummut nr. 2018/283-
imut akissut.**

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Pele Broberg,

Kalaallit Airports A/S pillugu Inatsisartut suleriaasianni § 37 naapertorlugu Naalakkersuisunut apeqquteqaateqarputit. Apeqqutigisatit uannit akisassanngortinneqarsimapput.

Apeqqutigineqartut ima oqaasertaqarput:

1. Kalaallit Airportip siulersuisui oqartussaaffimmik qanoq annertutigisumik Naalakkersuisut sinnerlugit pisinnaatitaaffiligaappat?

Ingerlatseqatigiiffittut allatulli, ilaatigut ingerlatseqatigiiffiup malittarisassai aamma ingerlatseqatigiiffinnut inatsimmi ingerlatseqatigiiffiup sulineranut inatsisitigut tunngaviusoq siulersuisunut piginnaatitsissut takuneqarsinnaavoq. Malittarisassat allallu ingerlatseqatigiiffiup pappiaraatai ingerlatseqatigiiffiup nittartagaani kair.gl-imi tamanit pissarsiarineqarsinnaapput.

Naalakkersuisut paasinninnerat tassaavoq, Kalaallit Airports A/S-ip siulersuisunut saniatigut piginnaatitsissummik tunniussisoqarsimanngitsaq, tamannalu aktianik piginneqatigiiffinnut nalinginnaasuuvoq.

2. Kalaallit Airportip siulersuisui, siulersuisuniluunniit ilaasortat ataasiakkaat ataatsimiinnerni Naalagaaffeqatigiinnermut nunanullu allanut sillimaniarnermullu attuumassunik sammisalinni peqataasoqartarsimava?

Kalaallit Airports A/S-ip siulersuisui imaluunniit siulersuisunut ilaasortat ataasiakkaat immikkut naalagaaffeqatigiinnermut, nunanut allanut sillimaniarnermullu naalakkersuinikkullu kinguneqarsinnaasunik iliuseqarsimanersut aamma Naalakkersuisut avaqqullugit ataatsimiinnernut ilaasimanersut Naalakkersuisut ilisimangilaat.

Ingerlatseqatigiiffiup pilersinneqarneranut tunngaviusup timmisartoqarfiit pillugit iluarsartuullugit pilersaarusiap erseqqissarneqarneranut allaaserineqarneranullu

Naalackersuisut allaffeqarfiat piffissani assigiinngitsuni Kalaallit Airport A/S-ip ikiortarsimavaa.

Kalaallit Nunaannut nunanut allanut sillimaniarnermullu naalackersuinikkullu kinguneqarsinnaasunik iliuuseqarsinnaanerillu pillugit ataatsimiinnerit il. il. ilaatigut Naalackersuisut nunanut allanut politikikkut nalunaarusaanni nalinginnaasumik oqaasertalersorlugu allaaserineqarpoq kiisalu inunnut tamanut paasissutissiiuarnikkut.

Taamatut nunanut allanut sillimaniarnermullu naalackersuinikkullu sammisat, matumani ilanngullugit Naalackersuisut ataatsimiittarneri, pillugit aamma Inatsisartut Nunanut Allanut Sillimaniarnermullu Ataatsimiititaliaannik ingerlaavartumik oqaloqatiginnittoqartarpoq paasissutissiisoqartuarlunilu.

3. Naalackersuisut siulittaasuata akuerisimanerpaa, suliffeqarfik politikinerinut "armlængde princip" atorlugu akulerutsitinaveersaartut, nunanut allanut sillimaniarnermullu attuumassunik sammisaqarluni politikkimik ingerlatsinissaanut?

Nunamut namminermt, nunanut allanut imaluunniit sillimaniarnermut naalackersuinikkut kinguneqarsinnaasunik iliuuseqarsinnaanermik suliffeqarfimmik naalackersuinermik ingerlatsisoqarsimatillugu Naalackersuisut paasisaqarnikuunngillat.

4. Naalackersuisut siulittaasuata isumaqatigiinniarnert siunnerfiat ilisimasaqarfiginerpaa, paasisagut naapertorlugit isumaqatigiinniarnert pisortaqarfimmi atorfilittat aningaasaliisartullu aallartitaasa akornanni ingerlanneqarput, Inatsisartut ilisimatinnagit, innuttaasullu avaqqullugit?

Inatsisartut imaluunniit innuttaasut ilisimanngisaannik ingerlatsisoqarneranik isumaqatiginninniarnert suut innersuunneqarnerisut Naalackersuisut ilisimasaqarfiginngilaat.

Inussiarnersumik inuulluaqqusillunga



Kim Kielsen